



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. LXIV. Invidentia Hvmanae Salvts dæmon precantes ab attentione abducit.

urn:nbn:de:hbz:466:1-42349

C A P. LXIV.

INVIDENTIA HUMANÆ SALVTIS
demon precantes ab attentione ab-
ducit.

§. EX his omnibus manifestissime consequitur, ter-
tia causa cur stygii illi perditique spiritus, omni
conatu agant, ne ad preces animam studiosè applice-
mus: invident enim salutem nostram & felicitatem, probeq;
norunt ex oratione cum euagatione fusa nullum ad
nos peruenire fructum, sed potius perniciem. 1. Quod Denia pre-
catio, Dei
irritatio. inconsiderata, vaga & temeraria oratione irritetur
Deus dicit Ecclesiast. 2. quod injuria afficiatur asseruit
B. August. 3. quod offendatur docuit S. Cypr. quid ergo
boni, imò quid non mali ab irritato, læso, offenso
Numine expectandum? 4. Affirmat idipsum Deus
Isa. 29. v. 13. Matth. 15. v. 8. Populus hic labiis me honorat, cor
autem eorum longe est à me, sine causa autem colunt me. 5. Es
Ierem. 48. vers. 10. Maledictus qui facit opus Dei negligenter.
Orationis ergo negligentia non benedictionem Dei
conciliat, sed maledictionem accersit, non beneficia
impetrat, sed supplicia promeretur.

§. Et hæc est stupenda hominis vecordia, & vecors Insignis ho-
minis ve-
sania ad pre-
ces non ac-
cendentium.
stupiditas: quod cum in deprecatione agatur & tra-
ctetur non de nucibus & pomis, non de lana caprina,
& asini umbra, non de fortunis, non de honoribus, non
de capite, sed de animæ salute vel interitu, de Dei ami-
citia vel inimicitia, de sempiterna felicitate & miseria,
& tamen langueamus, oscitemus, & quasi nihil
nostra intersit mentem aliò
conuertamus.